

Definitivamente dia 26 di April den Cas Cultura E PROME ENTREGA DI "PREMIO PADU 1998" LO SER TRANSMITI "LIVE" PA TELE ARUBA

ORANJESTAD (AAN): Definitivamente diadomingo 26 di april proximo lo tuma lugar den Cas di Cultura e prome entrega di "Premio Padu 1998".

E prome entrega di "Premio Padu 1998" lo ser transmiti "live" via Tele Aruba y ta priminti di bira algo hamas visto presenta na Aruba y Antiyas.

Nos artistanan local cu mas a destaca durante aña 1997, lo haya nan merecido reconocimiento den un forma elegante y unico.

E premio aki cu ta carga number di nos respetable y querido "Tata di Cultura", Padu Lampe, lo ta un di nivel y caliber mas halto cu di e magno premiacion DEN AMBIENTE AWARD.

Aña pasa durante entrega di e prome lustro di DEN AMBIENTE AWARD, Jan Poets como e creador y motor di e premio a anuncia publicamente cu esey tabata e ultimo entrega di DEN

AMBIENTE AWARD.

Esaki no a cay na agrado di esnan presente y den su totalidad tur e artistanan y invitadonan presente a expresa palabranan di hopi deseo pa Jan Poets sigui presenta e magno premiacion aki.

Mirando cu aña pasa y ni e aña aki nos artistanan no a haya un premiacion digno, Jan Poets a dicidi di bolbe acepta e reto di organiza un premiacion como estimulo y motivacion pa nos artistanan cu mas a sobresali.

Pero e biaha aki e premio lo no carga number di DEN AMBIENTE AWARD y na su lugar a dicidi pa grabe riba number di nos maximo artista stima y alaves co-autor di nos Himno Nacional, ningun otro cu Padu del Caribe.

No tin duda cu e premio aki riba number di Padu del Caribe ta na su lugar y lo bira e premio mas cotiza culturalmente.

Tambe e premio lo ta diferente na esun di DEN AMBIENTE AWARD.

ENTE AWARD cu den pasado tabata otorga mas cu 70 premio riba un solo anochi.

E biaha aki lo bay tin 30 premio, pero toch cu e toke di diverticion manera tabata e caso di DEN AMBIENTE AWARD, esta dorna cu shownan presenta pa e propio artistanan galardona.

E produccion lo ta den man di Alvin Koolman di "Standing Ovation", cu ya ta trahando duro pa haci e anochi aki uno super special, hunto cu su asistentenan.

Por a compronde cu Cas di Cultura lo haya un escenario ilumina hamas visto cu lo duna e premiacion aki e toke di elegancia den estilo di "Grammy Award".

Durante e dianan aki lo forma un comision di personahenan capacita di mundo di farandula, kendenan lo bay escohe honestamente e artistanan y gruponan cu merecidamente lo bin na remarca pa ricibi nan premio durante e

grandioso anochi diadomingo 26 di april proximo, cu ta ademas fecha natal di Padu del Caribe.

Durante e anochi aki tur e nominadonan lo ser invita, y esaki sigur lo bay haci e premiacion mas interesante, ya cu ta durante e anochi nan lo haya sa kendenan for di e nominadonan lo ta e galardonaadonan.

Tambe durante e premiacion aki lo tin presencia di un artista internacional kende lo ta

den compania di un potencial propietario di un cas disquero.

Mas den transcurso di e siman aki, y dianan venidero, lo tin mas informacion tocante e prome entrega di "Premio Padu 1998"



**B.J. ARENDS
& SONS INC**

15% CAMPING CASH DISCOUNT

VALID TILL APRIL 11 1998!!

WATER COOLERS & WATER/GAS CANS

SLEEPING BAGS, AIR MATTRESS, CABIN TENTS

GAZEBOS, PORTABLE TOILETS, LANTERNS

ICE CHESTS, JUGS, BARBECUE GRILLS & ACCESSORIES

BRENCHIE'S

O'STAD & SAN NICOLAS HOME CENTERS/ANNEX

"1 FOR CAMPING ARTICLES"

JR AUTOCENTER N.V.




Tel: 848295

Cura Cabai na Highway

TA INTRODUCI SERVICIO DI: ALIGNMENT COMPUTARIZA

Corregi problema di:

- * Gasta Tire Malo
- * Auto ta trek pa banda
- * Desgaste prematuro di piezanan di bo auto
- * Re-Align Auto cu a kibra



YAMA NOS PA UN CITA: 848295